



UNIVERSITÄTS-
BIBLIOTHEK
PADERBORN

Jus Canonicum Ad Libros V. Decretalium Gregorii IX.

Huth, Adam

Augustæ Vindelicorum, 1732

4. Ne Prælati vices suas vel Ecclesias sub annuo censu concedant

[urn:nbn:de:hbz:466:1-63433](https://nbn-resolving.org/urn:nbn:de:hbz:466:1-63433)

tè hujus criminis rei sint. 2. Privatio non beneficiorum tantum prius obtentorum, sed et pensionum. 3. Applicatio fructuum male perceptorum Camerae Apostolicæ. 4. Reservatio ipsius beneficii ita nulliter acquisiti, quæ reservatio apud Germanos propter Concedendum non obtinet.

Q. II. Quis sit iudex competens in Crimine Simonia? Resp. Solus Ecclesiasticus privative agnoscit & pronuntiat, licet delinquens sit laicus *c. 2. de jud.* Deinde inter Ecclesiasticos solum Pontifex *per se loquendo* absolvit à Censuris in hac materia incurfis, & in pœnis dispensat, et dispenset rarissimè. Præterea si delictum Simonia sit adhuc occultum, absolvere à Censuris potest Episcopus vi *Trid. Sess. 24. c. 6. de ref.* Meticantes vi privilegii, si excipiatur Simonia in collatione & susceptione Ordinum commissa, ubi cepta est Bulla Sixti V. *Sanctum.* Item Episcopus dispensat cum eo, qui per tertium Simoniam seu commissam ad beneficium promotus est. *cap. nult. de elect.* vid. etiam *can. 1. caus. 1. q. 5.*

TITULUS IV.

Ne Prælati vices suas vel Ecclesias annuo censu concedant.

Q. I. Quid in præsentis titulo Prælati vi rubricæ partis prohibeatur? Resp. I. In titulo (qui cum seq. est quasi appendix ad præ-

rem, quia in utroque de quadam Simonia specie agitur) prohibetur Prælati, ne vices suas, id est exercitium jurisdictionis, potestatis aut administrationis Ecclesiasticæ pro annua pensione elocent, sive dein omnimodè relinquunt suam jurisdictionem, sive potius habitualiter retineant. *c. 1. 2. 3. h. t. Trid. Sess. 5. 6. 1. de ref.*

Resp. 2. Non autem prohibetur Episcopis constituere Vicarios Generales, iisque committere jurisdictionem dioceseos suæ, præstando simul annum salarium in pecuniis consistens. Ratio, quia hoc salarium non constituitur per modum pretii sed per modum stipendii. Sic etiam licet Episcopo remittere jurisdictionem sibi competentem, eximendo scil. Ecclesiam vel Monasterium à jurisdictione, ut præstetur sibi tamen singulis annis pensio. Ratio, quia pensio hæc datur tantum in recognitionem præteritæ subjectionis, & in signum libertatis concessæ.

Q. 2. Quid prohibeatur Prælati vi posterioris rubricæ partis? Resp. 1. Prælati non possunt ipsas Ecclesias, ut v. g. quis ibi pro libitu celebret, pro pensione annua dare. *rubr. hujus tit.* Possunt autem ipsos fructus Ecclesiarum, attamen juxta *Extrav. Ambitiosa inter Comm. de reb. Eccl. alien.* ubi hæc in usu est, tantum ad triennium, elocare. &c.

Q. 3. Quæ pænæ sint statuta contravenientibus prohibitioni prædictæ rubricæ? Resp. 1. Prælati locantibus pro censu Ecclesias pænâ in jure statutâ non legitur, licet, secundum dicta, locatio

tio

tio prohibeatur. 2. Prælati vices suas alibi cedentes sic per sententiam puniri debent, ut de & accipiens ab Ecclesia excludantur. c. 38. de mon. dein, ut dans pecuniam pro exercitio jurisdictionis, aut officii, id perdat, conferens potestatem conferendi amittat. c. 1. b. t. de ma ut dans pecuniam removeatur à Clero; conferens, etiamsi Episcopus, pro qualitate delicti deponatur, vel suspendatur c. 2. b. t.

TITULUS V.

De Magistris & ne aliquid exigatur pro licentia docendi.

Q. 1. *Quid de Magistris, de quibus mox b. t. dicendum?* Resp. 1. Licet pars hujus tituli non eam habeat cum præcedentem, qualem posterior, *notandum* est. I. Quòd nomine *Magistorum vel Doctorum* nunciantur omnes insigniti in facultate quadam suprema laureâ, usus interim in Germania duo illa vocabula sic distinxit, ut qui in Theologia, Jurè, Medicina supremum gradum sunt consecuti, *Doctores*, qui in Philosophia, *Magistri* vocentur. Et ceteros in dignitate sequuntur *Licentiati*, quibus dignis repertis facta est *licentia* sive facultas docendi & capeffendi supremam in aliqua scientia lauream: *Licentiatis* inferiores sunt *Baccalarii* scil. qui sui in scientia profectus primum periculum cum testimonium adepti sunt. *Notandum* 2. Quod